

KHUTBA JUMMAH

HADHRAT MUHYI-UD-DIN AL-KHALIFATULLAH

Munir Ahmad Azim

18 Novembre 2016
(17 Safar 1438 Hijri)

(Résumé Khutba)

Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite cause lor le sujet de "L'Intérêt (Riba)":

يَا أَيُّهَا الَّذِينَ آمَنُوا لَا تَأْكُلُوا الرِّبَا أَضْعَافًا مُضَاعَفَةً وَاتَّقُوا اللَّهَ لَعَلَّكُمْ تُفْلِحُونَ

Yaaa-'ayyu-hallaziina 'aa-manuu laa ta'-kukur-Ribaaa 'ad-'aafam-mudaa-'afah; wat-taqul laha-la 'allakum tuflihuun.

« Ô ou ki ena la foi, pas mange séki l'usure (l'intérêt) rapporter, ki doubler et augmenter plusieurs fois. Cherche protection Allah, afin ki ou prospérer. » (Al-Imran 3: 131).

الَّذِينَ يَأْكُلُونَ الرِّبَا لَا يَقُومُونَ إِلَّا كَمَا يَقُومُ الَّذِي يَتَخَبَّطُهُ الشَّيْطَانُ مِنَ الْمَسِّ

'Allaziina ya'-kuluunar-Ribaa laa yaquumuuna 'illaa kamaa yaquu-mullazii yata-khabbatuhush-Shaytaanu minal-mass.

« Bane ki mange l'usure, zot pou lever seulement couma bane qui Satan fine toucher et fine rende fou. » (Al-Baqara 2: 276).

L'intérêt, ou plus précisément, le taux d'intérêt li défini comme étant ene prix ki pran lor l'argent ki ene dimoune emprunté et ki déterminé couma tout bane les autres prix, par la collusion de bane forces de l'offre et de demande. Au commencement l'usure (l'intérêt/ Riba) ti n'importe ki prime ki nous ti bizin payer contre l'utilisation la monnaie. Azordi zour, l'usure veut également dire la pratique pou demande ene prime d'intérêt très élevé par ene emprunt.

Bane versets ki mo fine mentionné consisté d'ene injonction pour l'humanité – en particulier bane musulmans – ki représente et condamne sévèrement pratique de l'usure ou l'intérêt. Donc sak transaction ki ena tré à l'usure (le *Riba*) li illégale, de même ki tous bane transactions ki acquis par bane moyens illégales ; bane transactions tel ki : bribe, ene commerce kot ena plein fraudes, le jeu de hasard, l'intérêt ki la banque donné (et même saki la banque pran) etc. Le principe islamique oulé ki tous nous bane profits zot gagné à travers nous bane propres zefforts et nous bane propres risques.

Ene zour, ene compagnon fine pose sa question là à Rassoollullah (saws) : « *Ki salaire ki pli pur ?* » Hazrat Muhammad (saws) fine réponde : « *Sa salaire ki ene dimoune fine gagner par so propres la mains et ki gagner de sak transaction honnête.* » (Ahmad).

Bane Arabes païens ti ena l'habitude pou exploite bane dimoune pauvres par la pratique pou pran ene bien gros somme l'argent contre ene emprunt. Mais après zot fine très vite abandonne sa pratique du moment ki zot fine accepter l'Islam, suite à sa révélation là :

« O ou ki ena la foi, demande protection Allah et abandonne l'usure ki dimoune doit ou, si vraiment ou ena la foi. » (Al-Baqara 2: 279).

De sa façon là, zot fine accepter de zot propre gré pou abandonne l'intérêt, malgré parfois zot bane difficulté financier. Zot fine abandonne sa pratique là seulement pour le plaisir d'Allah.

L'usure/ l'intérêt c'est ene moyen ki Shaytane servi pour faire nous bascule dans saki détestable (tout bane z'affaires détestable). Tout saki détestable dans lizié d'Allah bizin aussi détestable dans nous lizié. Anou faire tout pour faire Allah satisfait avec nous et ki Li béni nous bane ressources et nous bane sources de revenus et ki Li éloigne nous de l'usure et de tout bane actes ki détestable dans So lizié. *Ameen*.